




# KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 3, No. 4

website: [www.geocities.com/navalbec](http://www.geocities.com/navalbec)

November 2006



## Mensaje

Kun ang bulan sa Octubre mao ang bulan sa Santos nga Rosaryo, nan ang bulan sa Nobyembre mao usab ang bulan sa mga Igsuon nato nga

Nangamatay. Gihandum nato sila pinaagi sa atong Debosyon sa mga Kalag sa Purgatoryo aron nga matabangan sila pagkab-ot sa kaluwasan nga dayon.

Nindot kaayo nga pamalandongan ang atong padayon nga pagpakita sa atong dakong gugma sa mga nangamatay pinaagi sa atong mga pag-ampo ug maayong buhat. Kay dili ba sa dihang uban pa sila kanato ato silang gipakitaan ug samang pagmahal? Nan kana nga pagmahal wala matapus sa dihang mipanaw sila kundili nagpadayon pa gihapon. Ug ang pinakaanindot nga buhat sa pagmahal nga atong ikapakita kanila mao ang atong pag-ampo, ilabina ang paghalad sa Santos nga Misa.

Mao nga sa inyong mga selda prayer meetings, palihug ayaw ninyo kalimti ang pag-ampo sa mga igsuon nato nga nangamatay. Kay sa atong pag-ampo kanila, sila usab magatabang kanato sa atong adlaw-adlaw nga kinabuhi. Ang mga merito sa ilang sakripisyo didto sa purgatoryo ila usab ihalad kanato kay dili naman sila makatagamtam niini. Sa maong paagiha, gihimaya ug gidayeg nato ang Dios tungod kay Siya man ang tuburan ug linugdangan niining tanan.

**ANG GINOO MAGAPANALANGIN KANINYO KANUNAY.**

Bishop FILOMENO G. BACTOL, D.D.  
ug mga Kaparian sa Naval



## PAMALANDONG SA

## EBANGHELYO

**November 5, 2006:** Ika-31 nga Domingo "Sulod sa Tuig"  
Basahon: Dt. 6:2-6 / Heb. 7:23-28 / Mk. 12:28-34

### Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

### Tema: (Basahon human sa mga paambit)

"Unsaon man nato pagpangitag lusot nining daghan kaayong mga gidili ug kasugoan sa Balaod?" Sa tumang kamasinugtanon, ang mga magtutudlo sa Balaod nangutana niini kang Hesus. Agig tubag si Hesus mipasupot nga una ug labaw sa tanang mga kasugoan mao ang paghigugma sa Dios. Sanglit bugtong man ang Dios ug walay ikagsama Kaniya, nan ang sugo nga higugmaon Siya labaw sa tanan maoy nag-una.

Gipunting usab ni Hesus ang pagtagad sa mga magtutudlo sa Balaod ngadto sa laing sugo. Bisan tuod og kini ang ikaduhang sugo, alang kang Hesus ang paghigugma sa isigkatawo dili mahabulag sa paghigugma sa Dios. Gani pinaagi sa gugma ang katawhan mahisama sa Dios. Diha sa gugma kita miambit sa mismong kinabuhi sa Dios. Ug mao kana ang tumong ug tuyo sa Balaod.

Usa ug tataw kaayo ang ilhanan nga naghulagway kanila nga dili halayo sa gingharian. Kini wala diha sa ilang kamakanunayon sa relihiyosong mga gimbuhaton. Anaa kini diha sa ilang maalagarong paghigugma sa Dios ug sa isigkaingon.

Kining pagkasultiha makapahilom kanila nga mihatag bili sa unsay nahasulat kun letra sa Balaod labaw sa unsay diwa niini. Makapauting kay gayod kini niadtong mga institusyon nga mihatag og mas dakong pagtagad sa paghan-ay kay sa paghigugma.

**Pamalandongi kini:**

Ikaw nagmaalagaron bang nahigugma sa Dios ug sa imong isigkatawo? Hain may imong gihatagag mas dakong pagtagad ang han-ay o ang gugma?

**November 12, 2006:** Ika-32 nga Domingo “Sulod sa Tuig”  
Basahon: 1Kgs. 17:10-16 / Heb. 9:24-28 / **Mk. 12:38-44**

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Ang ebanghelyo niining Domingoha nagpakita sa kalainan tali sa mapasigarbohon ug hakog nga taghatag ug sa matuohon ug mapaubsanon byuda. Daw mahanduraw nato ang managlahing pagbati sa mga tawong nanagdala sa ilang mga halad didto sa templo. Ang garboso ug ang masaligon kaayo sa kaugalingon nga mga datu nagpakita pag-ayo sa ilang kamanggihatagon apan ang ilang halad wala makakunhod sa ilang kabahandianon. Ang mapanagan-on ug mapaubsanong byuda mihulog og duha ka dako sulod sa hulganan. Sama sa byuda sa Sarefta, masaligon siyang mihatag sa dyotay nga maoy nahibilin aron siya mabuhi.

Usa ka magtutudlo sa panahon ni Hesus nakatimaan nga ang duha ka tukmo nga salampati nga ihalad sa kabus nga tawo mas bililhon pa kay sa libo ka mga sakripisyo nga gihalad ni Hari Agripa. Nagmatuod niini si Hesus.

Kang kinsa man kita modapig, sa magtutudlo sa Balaod ba nga mitanyag sa pipila sa iyang naghinobra nga katigayonan o sa kabus ba nga byuda nga mihatag sa tanan nga sarang niya kabuhian?

**Pamalandongi kini:**

Ikaw mihatag ba sa unsay sobra o sa imo ba hinoong gikinahanglan?

**November 19, 2006:** Ika-33 nga Domingo “Sulod sa Tuig”  
Basahon : Dn. 12:1-3 / Heb. 10:11-14, 18 / **Mk. 13:24-32**

**Human sa pagbasa sa Ebanghelyo:**

Unsa man nga pulong o mga pulong sa Ebanghelyo ang nakapatandog kanimo? Ngano man?

**Tema:** (Basahon human sa mga paambit)

Sa pagbuhat sa Dios sa tanan, iyang tuyo nga ang tanan makaambit niini, lakip na ang paglatas sa kamatayon aron mahiuban kaniya sa kahingpitan. Apan ngano man nga ang kamatayon inubanan man og kahadlok, kabalisa ug kakuyaw? Adunay daghan nga mipaambit sa ilang kasinatian sa inanay nga kamatayon ug sa ilang pagpaambit tataw kaayo nga nagkalainlain ang ilang gibati. Kasagaran niini, mipatagbaw gayod ang kahadlok sa nahitungdan o sa mga naminaw.

Nganong ato mang ubanan og kahadlok ang kamatayon? Tungod ba kay mawili kita sa kinabuhi? Dili! Ang kamatayon kahadlok kon kini mosakmit sa imong kalag ngadto sa impiyerno. Apan ang kalag nga nahigugma sa Dios, dili mahadlok bisan sa kamatayon man. Ang kamatayon alang sa matarong usa ka kahingpitan sa iyang pangandoy sa pagsud-ong sa langitnong Hari kinsa sa iyang paghiabot paga-unahan og mga timailhan.

Ang matag adlaw puno og tanghaga o mga timailhan. Hinuon anaa ra kanato ang pagsabot kon unsa ang buot ipasabot sa mga timailhan. Adunay uban mohatag og maayo samtang ang uban dautan



**KATILINGBAN**  
*Ang akapul nga mensahe sa Dios: Ewanghelyo, Komunikahe (KCC), ug panigya sa Biblia*

**TEAM MINISTRY**

*Team Moderator:* Bishop Filomeno G. Bactol, D.D.

*Team Members:*

- Fr. Marvyn A. Maceda
- Fr. Florencio Gerones
- Fr. Kenneth Hendricks
- Fr. Cornelio Amante, Jr.

*Newsletter Moderator:*

Fr. Marvyn A. Maceda

*Encoder:*

Vinna Sabroso

*Computer Specialist*

Oscar O. Borrinaga

*Business Managers:*

- Rizalito V. Curso
- Conchita Calvez

**PARISH FORMATION TEAM**

- |                  |                    |
|------------------|--------------------|
| Eudoxia Canonoy  | Reymund Icaín      |
| Linda Roldan     | Jonnel Quilaneta   |
| Necitas Casado   | Alfredo Olaer      |
| Catalina Machete | Alfredo Paghubasan |
| Sonia Pitao      | Danny Jayubo       |
| Josephine Romero | Gualberto Tonelete |
|                  | Ramises Bongabong  |
|                  | Jorge Manco        |
|                  | Buddy Castro       |

og kahulogan. Apan sa mga timailhan ga nanglabay o umaabot pa unsa kaha ang nahimo nimo nga reaksyon o unsa kaha ang imong reaksiyon. Isipon ta nga kining mga inadlaw nga mga hitabo dayag nga may tanghaga sa kahitas-an. Hinuon, himuon nato kini nga higayon sa kanunayng pagpangandam alang sa umaabot nga hukom kon mahitabo na ang buot ipahitabo, aron sa paghitabo niini dili na kita dag-on og kahadlok, kon dili sa dakong pahiyom, molitok kita sa pulong, “Andam na ako, Dios ko.”

**November 26, 2006:** Katapusang Domingo “Sulod sa Tuig”  
Si Cristo ang Hari  
Basahon : Dan. 7:13-14 / Rv. 1:5-8 / **Jn. 18:33-37**

### Human sa pagbasa sa Ebanghelyo:

Unsa man nga pulong o mga pulong sa Ebanghelyo ang nakapatandog kanimo? Ngano man?

### Tema: (Basahon human sa mga paambit)

“Ang gingharian sa Dios - diha sa mga pulong sa atong Ginoo ug Manluluwas -dili moabot aron lamang tan-awon sa tanan; o di ba aron sila moingon: Tan-awa ania na, ania na; apan ang gingharian sa Dios anaa sulod kaninyo, kay ang pulong sa Dios haduol man, anaa sa inyong baba ug sa inyong kasingkasing.” Busa tataw kaayo nga siya nga nag-ampo sa paghiabot sa gingharian mag-ampo sa ensaktong paagi aron maangkon niya kini sulod kaniya, nga unta sulod diha sa iyang kasingkasing kini motubo ug mamunga ug mamahimong hingpit. Kay ang Dios nagahari diha sa iyang matag santos. Ang si kinsang balaan nagatuman sa mga espirituhanon nga balaod sa Dios, kinsa nagpuyo sulod kaniya sama sa usa ka hapsay nga syudad. Ang Amahan anaa sa kalag nga hingpit, ug uban kaniya si Cristo nagahari, sigun sa mga pulong nga nag-ingon: Kami moanha kaniya ug magapuyo kami diha kaniya.”

“Busa diha sa atong paglambo, ang ginharian sa Dios nga anaa sulod kanato mamahimong hingpit sa higayon diin matuman ang giingon sa Apostol. Ug si Cristo, tapos niya mabuntog ang mga kaaway, magtugyan sa iyang gingharian ngadto sa Dios Amahan, aron ang Dios maghari sa tanan sa hingpit gayod. Busa magmakanunayon kitang mag-ampo uban sa maong kahimtang sa kalag diin ang Pulong

magabalaan niini diha sa pag-ingon ngadto sa Amahan nga anaa sa langit: Pagdaygon ang imong ngalan; moabot unta ang imong gingharian.”

# BEC Balita

## Naval Religious Fiesta

Malampuson nga gisaulog sa parokya sa Naval ang kapistahan sa Mahal nga Birhen sa Rosaryo kaniadtong Septiembre 30 – Oktubre 1, 2006. Sa kaadlawan sa maong fiesta, gipanguluhan ni Obispo Filomeno G Bactol, D.D. ang Santos nga Misa sa alas 9:30 sa buntag sa Katedral. Ang maong kapistahan gitambungan sa mga BECs sa parokya diin gihimo usab ang parish BEC Fellowship hangtud sa alas tres sa hapon.

Gitapos ang kasaulugan sa fiesta pinaagi sa usa ka prosisyon sa Imahen sa Birhen sa Rosaryo sa alas 5:00 sa hapon palibot sa lungsod sa Naval.

## 25 ka Tuig Pagka-Obispo

Gisaulog sa atong Senor Obispo Filomeno G. Bactol, D.D. ang iyang ika 25 ka tuig pagka Obispo kaniadtong Oktubre 16-17, 2006. Ang maong kasaulugan giduyugan sa presensya sa mga bisitang Obispo: Arsobispo Pedro Dean, Jr., D.D., Arsobispo Emeritus sa Palo; Obispo Maximiano Cruz, D.D., Obispo Emeritus sa Calbayog; Obispo Angel Hobayan, Obispo Emeritus sa Catarman, Obispo Emmanuel Trance, D.D., Obispo sa Catarman, Obispo Leonardo Medroso, D.D., Obispo sa Borongan, ug Obispo Isabelo Abarquez, D.D., Obispo Auxiliar sa Palo.

Ang maong okasyon gitambungan usab ni Mrs. Imelda Marcos, ang ninang ni Obispo Filomeno Bactol sa dihang giordinahan siya nga Obispo niadtong Oktubre 15, 1981 sa Cathedral Church of the Transfiguration sa Palo, Leyte. Mitambong usab sa maong okasyon ang sobra usa ka gatos nga mga kaparian ug laing sobra gatos usab nga mga madre sa tibuok Eastern Visayas Region. Sa gihimo nga kasaulugan sa misa pasalamat sa ikaduhang adlaw Oktubre 17, makita usab ang ginatosgatos ka mga opisyal ug representatives sa mga BECs sa tibuok Diocese sa Naval nga miduyog sa among kasaulugan.

Sa atong Senor Obispo Filomeno G. Bactol, D.D., Congratulations ug Mabuhí ka!

**BEC Balita...****PFT Recollection ug Renewal**

Gihimo sa Parish Formation Teams (PFT) sa Parokya sa Naval ang Recollection didto sa Mavin's Place sa Brgy. Atipolo kaniadtong Oktubre 28, 2006 gikan sa alas 6:00 hangtud alas 10:30 sa gabii. Ang maong recollection gipanguluhan ni Fr. Marvyn Maceda, ang BEC Diocesan Director.

Sa maong Recollection, gipahinumduman ni Fr. Marvyn Maceda ang mga PFTs nga ang hingyap nga pagbag-o sa Simbahan nagalangkob sa kinatibuk-an gayud sa kabag-uhan sa tawo. Kini naglangkob sa iyang kinabuhing spirituhanon, kulturahanon, ekonomikanhon, politikanhon ug sosyal. Kini nga tumong naklaro sa dihang gipasundayag ni Fr. Marvyn ang usa ka VCD nga hinimo sa CBCP Commission on Social Action – Justice and Peace diin gipasabot ug gihulagway didto ang misyon sa pagbag-o sa Simbahan pinaagi sa BEC

Pagahimuon sa mga PFT ang ilang pagbag-o sa panaad sa pag-alagad karong Nobyembre 5, 2006, Domingo, sa alas 6:30 nga misa ni Obispo Filomeno G. Bactol, D.D.

**BEC Re-Orientation**

Aron mapadayon ang kadasig sa nga BECs sa parokya sa Naval, gipasiugdahan nila ang Re-Orientation diha sa ilang kristohanong katilingban. Ang mosunod nga mga BECs naghimo sa ilang re-orientation ug pagpili ug bag-ong mga opisyal inubanan sa mga PFTs: BEC Lower Calumpang niadtong Oktubre 7, (BEC Pres: Bro. Felix Olea); BEC Upper Calumpang niadtong Oktubre 16, (BEC Pres: Sis. Elisa Mesias); BEC Talustusan niadtong Oktubre 21, (BEC Pres: Bro. Solomon Olaguer); BEC Kawayanan niadtong Oktubre 22 (BEC Pres: Sis. Maximina Rosaroso); ug BEC Bigaa niadtong Oktubre 23 (Bec Pres: Bro. Rey Jesus Tagailo)

Congratulations! Padayon mga igsuon!

**Kalag-kalag**

Ang mga iskedyul sa misa sa sementeryo karong Nobyembre 2, 2006, Huwebes, Fiesta sa mga Minatay, mao kining mosunod:

Buntag:	6:00 - Cathedral
	8:00 - Cemetery
	9:30 - Cemetery
	11:00 - Cemetery
Hapon:	1:30 - Cemetery
	3:00 - Cemetery
	4:30 - Cemetery
	6:00 - Cemetery

**BEC Activities****CLUSTER FELLOWSHIP**

November 4, 2006  
Cathedral Church  
7:00 PM. – 10:00 PM.

**RENEWAL of PFT's**

November 5, 2006  
Cathedral Church  
6:00 AM.

**PAROCHIAL FELLOWSHIP**

November 11, 2006 ( 2nd Saturday )  
Brgy. San Pablo Chapel  
8:00 AM. – 3:00 PM.

November 12, 2006 ( 2nd Sunday )  
Brgy. Calumpang Chapel  
8:00 AM. – 3:00 PM.

**BEC ANNIVERSARY**

BEC Catmon I  
November 25, 2006 ( Saturday )

BEC Caraycaray Zone 2  
November 29, 2006 ( Wednesday )

**LJC Rice Mill**  
Sitio Lupa, Calumpang  
& **Groceries**

Ground Floor, Naval Mall

Owned & Managed by:

**RAMISES "Bong" BONGABONG**